

WORKING TITLE: DREAM STREAM

WRITTEN BY: Albert Millar

BATCH and DATE: Batch 25 | Oct 5

“Ang pusa natutulog ng 12-16 hours a day, ang mga oso nagha-hibernate ng 7 months. Kung kaya nila, kaya ko rin. Basta may drugs.”

SETTING: Isang alternative reality kung saan nauso ang Dream Stream. Isang bagong online trend kung saan pwedeng i-stream ang mga panaganip para panoorin ng ibang tao.

SUMMARY: Si Alex ay isang dream streamer na may makukulay na panagainip. Pero sa real world isa siyang recluse, malayo sa kaibigan at pamilya. Fed up with society, maiisip niya na mas masaya at may purpose pa ang buhay niya sa Dream Stream. Magpa-plano siya ng isang self-induced coma para nasa Dream Stream na lang siya lagi. Pero para magawa yon, kailangan niya ng kasama, ng kaibigan.

TONE: Dark/Awkward Comedy, Slice of Life

Si ALEX, 7, babae, ay masayang nagdo-drawing sa klase ng litrato ng unicorn kasama ang kanyang kuya, nanay at tatay. *“What do you dream of when you grow up? Let’s start with Alex.”* Kinuha ng teacher ang kamay ni Alex at dinala siya sa harapan ng buong klase. Pinagtawanan nila ang drowing niya. Naihi siya sa palda. Nag-ring ang school bell.

Nagri-ring ang napakalakas na alarm. Sisigaw ang mga intsik sa kabilang condo. Hindi ito papansinin ni ALEX, 23, na kanina pang gising. Gagawin niya ang usual routine niya. O-order. Kakain. Sisilipin ang mga taong naglalakad mula sa bintana ng condo niya. Titignan ang mga messages from anonymous online people. May icha-chat siya, *“Tuloy ang plano.”* Magve-vape, pero sasabog ito habang nagcha-charge. Uulan ang sprinkler.

Aangat mula sa tubig si ALEX, 14, kasama ang aso niya at isang Rhinoceros. Sa taas ay may nagliliparan na mga pink butterfly, unan, at cotton ball clouds. Malalaglag sina ALEX sa talon.

Palabas ng bar si ALEX, 23, at madudulas sa steps, medyo nakainom na kasi. Sa tabi ng bar, may construction na may sign—*“Caution: Falling Debris”*. Pupunta siya dun mismo sa delikado. Titingin siya sa relas. Ala una ng umaga. Maglalakad siya, hanggang makarating sa madilim na daan kung sa’n walang tao. ‘Di niya mamamalayan, may sumusunod sa kanya. Paglingon niya, ay mapapalo siya ng dos por dos. Pakikiramdaman ng kriminal ang pulso. Uungol si ALEX. *“Tang ina mo, gising pa ko.”* Maiirita ang kriminal. *“Sabi na nga ba ‘di ‘to coco lumber e. Balsa lang.”* Sa malayo may sisigaw, *“HOY!”* Lalayo ang kriminal. Lalapit si JET, 22, kay ALEX. *“Kailangan mong magpa-ospital, baka may concussion ka.”* Lalayo sa kanya si ALEX. *“Ano ka, doktor?”* Sasagot si JET, *“In a few years, sana.”* Tatayo si ALEX at itataboy si JET hanggang makasakay sa taxi.

Darating si ALEX sa condo. Bubuksan ang notebook at iko-crossout ang *“Blunt Force Trauma”*. Sa ilalim may nakasulat, OD. Maglalabas siya ng envelope na may nakasulat, *“Hi, don’t worry, ‘di ako nagpakamatay.”* at ilalagay sa tabi niya. Tapos, bubuksan niya ang cabinet at kukuha ng sleeping pills. Lulunok ng isa. Dalawa. Sampu. Uubusin niya sana, pero sa halong antok, lasing, at hilo mula sa balsa wood, mabibitawan niya’t tatapon ang kalahati. Pupulutin niya sana, pero babagsak siya sa sahig at mahahatak ang alarm clock. Nagri-ring ito. Sa ingay, mapapakatok ang mga intsik sa kabilang condo.

Magigising siya sa ospital. Bubulaga sa kanya ang KUYA (30) niyang businessman na may Down Syndrome at si YEN, 29, ang pregnant wife nito. Hawak ni KUYA ang dalawang tablet. Isa si MAMA, 61. At ang isa’y si PAPA, 67. Sabay silang umiiling kay ALEX. Ipagdidiin ni KUYA kay ALEX kung gaano siya ka-successful despite his limitations at sana tularan naman siya. Gagatungan ‘to nina MAMA at PAPA, how disappointed they are. Si YEN, madi-disappoint dahil wala raw 4-pc chicken sa cafeteria. Ikukwento ng doktor sa pamilya ni ALEX na muntik na siyang ma-coma. Tatanungin ni ALEX kung ilang mg ba dapat. Bago makuha ang sagot, mapag-uusapang titira na si ALEX sa bahay ni KUYA.

Sa malaking bahay ni KUYA. Kumakain sila ng hapunan. Nasa upuan din ang mga tablets ni MAMA at PAPA. Diskusyon pa rin ang mga kapalpakan sa buhay ni ALEX. Tatanggapin niya lang ito.

Sa meditation room, sinusubukang turuan si ALEX ni YEN mag-focus, pero 'di ito magawa ni ALEX. Magkukwento si YEN na kailangan lang ni ALEX mag-pray para masagot ang problema niya. Sabay bigay ng boteng may gatas. "Kung gumagana sa baby, gagana rin sa'tin."

Sa kwarto. Pipikit si ALEX. Mababalot ng dilim na tumatambling. Mumulat si ALEX. May ite-text siya, "Sleeps?" pero nakailang message na siya, wala pa ring reply. Maghahanap ng alak sa kusina. linom. Walang talab. Meditate. Focus. Waley. Bubuksan ang ref, walang laman ang milk. Babalikan niya ang boteng inabot ni YEN. Maya-maya dumuduwal na siya. Sa huli, nag-kompyuter na lang sya. Bubuksan niya ang Dream Stream app kung saan marami siyang messages. Lahat hinahanap na siya. Nangungumusta. Tagal na raw nyang walang stream. Isang message ang magsa-standout. SUBJECT: Hirap ka bang makatulog? Icha-chat niya ang fan at during the conversation, lalabas na isa siyang insomniac at dependent din sa sleeping pills. Magse-set ng meet and greet si ALEX. Pareho raw silang magsuot ng navy blue.

Sa isang coffee shop tatambay si ALEX. Doon makikita niya si JET. Pareho silang naka navy blue. Magkukwentuhan sila. Mababanggit ni JET na marami siyang suking Dream Streamers. Na pills ang paraan niya para mapundar naman ang dream niyang maging doktor. Dreams for a dream, ika niya. Mababanggit din niya na sa lahat ng Dream Streamers, si ALEX ang favorite niya dahil ang saya ng mga panaginip niya. Dahil sa social awkwardness, magte-thank you lang si ALEX, sabay abot ng pera at hingi ng pills. Patagong iaabot ito ni JET. Sisilipin ni ALEX ang bote, mas mababang dosage. "Mahina 'to." Mapapisip si JET. "Tama lang 'yan pampatulog, 2 pills solb na." liling si ALEX, "Kailangan ko 240 mg." Isang iglap, aagawin ni JET ang bote kay ALEX. "Hindi kita tutulungan sa balak mo." Tatayo si JET, pero sisipain siya ni ALEX sa bayag. Mapapaupo muli si JET sa sakit. Tao lang. Nasasaktan.

Magso-sorry nang paulit-ulit si ALEX. Iiyak nang paulit-ulit si JET. Kukunin ni ALEX ang bote at magdadagdag ng isang libong tip. "Don't worry, 'di ako magpapakamatay."

Pag-uwi ng bahay ni ALEX, madadatnan niya si YEN na parang may hinahanap. Sisignalan siya nito na maging tahimik. Oo na lang si ALEX. Aakyat siya ng kwarto. Kukunin niya ang Dream Stream sleeping mask at ilalagay sa bulsa. Ilalagay naman niya uli sa tabi ng kama ang envelope na nakalagay, "Hi, don't worry, 'di ako nagpapakamatay." Tatawag siya sa 911. "Pwede po mag-report ng advance emergency?" Haharap siya sa salamin. Ngingiti. Bubuksan ang takip ng bote. Na-i-imagine na niya ang kabilang mundo. Sa salamin susulpot ang imahe ng aso, ng unicorn, ng cotton ball clouds at ng Rhinoceros, at si KUYA na lalabas mula sa cabinet sa likod. Yung huli ay hindi guni-guni.

Sa dinner table, may family meeting. "Ang galing mo magtago talaga!" banggit ni YEN kay KUYA. Patatahimikin siya nito. Kumpleto lahat dun. Si ALEX, KUYA, YEN, at tablets na naka-video call si MAMA at PAPA. Mapag-uusapan nilang mag-a-attend ng Narcotics Anonymous si ALEX.

Lalayas si ALEX. Mag-aabang sa coffee shop. Pagkatapos mag-aabang sa bar na may caution falling debris sign, kung saan una niyang nakita si JET. Nagbabakasakali. Pero wala. Uuwi rin siya.

1st day ng Narcotics Anonymous. D'on niya makikita si JET, nagdi-deal sa mga ibang dream streamers. Lalapit si ALEX pero agad siyang iiwasan ni JET. Hahawakan ni ALEX ang kamay ni JET. Papatak ang mga luha ni ALEX.

Sa cafeteria. Magkukwentuhan sila. Ikukwento ni JET ang dreams niya—makatulong sa tao. Libreng clinics. Panlinis sa kalat na ginagawa niya. Kalat para lang makaahon sa kahirapan. 'Di niya maintindihan kung bakit may mga mayayaman na madali ang buhay, masaya, pero lulong pa rin. Masasaktan si ALEX. Magso-sorry si JET. Ikukwento ni ALEX ang dreams niya—na mapunta sa ibang mundo. Comatose. Tuluy-tuloy na panaginip. Vacation Leave mula sa world. Ikukwento niya na sawa na siyang mag-adjust sa mundong 'di niya makapa, at gusto niyang bumuo ng mundong naiintindihan siya. Hindi siya maiintindihan ni JET. Tanggap 'to ni ALEX. Kaya't nagsabi siyang 'di na niya pipilitin si JET na bigyan siya ng sleeping pills. One less spot on his conscience. Hahawakan ni JET ang kamay ni ALEX. 'Di romantic a. 'Di pa kasi siya nagbabayad. Tsaka may plano si JET.

Bahay ni JET. Ikukwento niya ang plano kung paano nila mararating ang dreams nila pareho—Hospital Heist. Specifically, high end morphine + barbiturate. (To be worked on yung actual plan) Ilang araw nilang aayusin ang plano. Hindi pinapansin ni ALEX ang mga tawag ni KUYA at YEN.

Heist. (Comedy of errors, to be written) Mauuwi nila ang pinagplanuhan nila.

Pagdating sa bahay ni JET, tinanong niya si ALEX kung handa na ba siya. Linabas ni ALEX ang envelope uli, "Hi, don't worry, 'di ako nagpakamatay." Tatawa si JET. "Parang 'di ata para sa'kin 'yan."

Sa bahay ni KUYA. Papasok si ALEX, at nandoon ang buong pamilya. Si KUYA, si YEN na bagong anak, quadruplets. Magco-congrats siya kay YEN, bilib na bilib kung paano niya nabuhat ang apat na bata. Sasagot si YEN, "Ay, actually 6 sila dapat, pero praise God nabuhay ang apat!" At, for the first time in a long time, nandun si MAMA at PAPA. Real version, hindi lang tablets. Magso-sorry si ALEX, pero mahigpit siyang yinakap ng mga ito. At parang sponge, napiga ata ang luha papalabas sa kanya. For the first time in a long time mag-di-dinner sila together. For the first time in a long time, wala silang mapag-uusapang kapalpakan ni Alex. For the first time in a long time, tatabi si ALEX kay KUYA at kay YEN. And despite the screaming quadruplets, makakatulog si ALEX ng saktong 11pm. No pills needed.

Sa ibabaw ng ulap, nakahiga lang siya. Tinitignan ang mga nagliliparang envelopes na kulay pink. Nagtsi-chirp ang mga ito ng tunog doorbell.

Kinabukasan. Gabi. Bubuksan ni JET ang pinto para salubungin si ALEX. "Handa ka na ba?" Tatango si ALEX. Pagpasok, ipapakita ni JET ang 1-year coma plan. Memory foam. Tea. Premium Mattress. La-Z Boy. Meditation Blu-Rays. Yoga Mat. Walang drugs. Walang injection. Wala na ang ninakaw nila, nabenta na at pinambili na ng mga ito. Mapapangiti si ALEX at ita-try lahat. Hihiga sila sa comforter na parang cotton ball. "Di ba, parang dream na rin?" wari ni JET. "Makakausap pa kita." Hahalikan siya ni ALEX. At ang halik ay magtutuluy-tuloy hanggang sa kama.

Nakatitig si JET kay ALEX. "'Di ako tutulog hanggang 'di ka pa tulog" banta ni JET. Tatawa si ALEX. "Kung kaya mo." Magtititigan lang sila, hanggang unti-unting mapapapikit si JET.

Gigising si JET nang wala na si ALEX sa tabi niya. Sa dining, may breakfast nang ready. Napangiti siya. Hinahanap niya ang coffee mug niya nang mapansin niyang parang may iba. Pagkahugot niya ng drawer, ang stash niya ng pills ay may bakanteng isa. Nakasilid dito ay isang envelope. Tatakbo si JET papalabas.

Naglalakad sa park si JET at ALEX. Pinapasyal nila ang quadruplets. Kakanta si JET, sasabay si ALEX. Hahalikan nila ang isa't-isa, pero pipigilan ito ng unicorn. Lalabas si KUYA, YEN, MAMA, at PAPA, at magkakaroon ng isang fantasy musical kasama ang mga aso, rhinoceros, at iba't-ibang makukulay na karakter.

Sa Talk Show, ini-interview sina KUYA, YEN, MAMA, at PAPA tungkol kay ALEX at sa mirakulo ng Dream Stream na bumubuhay sa mga walang malay.

Tuloy ang musical. Pero bigla itong masingitan ng ads. Bida ang mga quadruplet babies na nagbebenta ng milk pampatulog sa mga bata. "Sleep well. Live well!" ang tagline nila.

Sa labas ng hospital room ni ALEX ay may life-sized wax figure siya kung saan nagpapa-picture ang mga fans niya. Ang iba pang fans, nakasuot ng mga iba't-ibang karakter na nabuo sa panaginip ni ALEX.

Sa isang lab, kumakain ng breakfast si JET. Pinanonood sa laptop ang dreams ni ALEX. Ang dreams niya. Sa gilid ng lab ay naka-frame na liham. Ang mga salita rito, kinakanta ni ALEX sa kanyang panaginip.